

# حكايات نصف الروح

قصص

بسنت هشام

- الكتاب : حكايات نصف الروح
  - المؤلف : بسنت هشام
  - التصنيف : قصص
  - يصدر عن
- شعلة الإبداع للطباعة والنشر ( قسم الهواة )



- المشرف العام
  - الشاعر الإعلامي / أشرف عزمي
  - الإخراج الفني : أسماء أشرف عزمي
  - ت : ٠١٠٠ ٩٢٦ ٢٠٠٠ / ٠١٢٨ ٠٥٣ ٤٥٠٢
  - البريد الإلكتروني:
- shoalebdaa@gmail.com

- بالتعاون مع
- مركز عماد قطري للإبداع والتنمية الثقافية



- رقم الإيداع: ٣٢١٩ / ٢٠٢١

حقوق الطبع محفوظة  
ويعتبر المؤلف مسئولاً مسئوليةً كاملةً عن كلِّ ما وَرَدَ في الكتاب.

## الإهداء

عندما تحب شخص ما ..  
فإنك لا تستطيع أن تتخيل  
عكس ذلك في يومٍ من الأيام ..  
العقل لا يستطيع  
أن يتخيل أو يفهم  
أن يكون هناك وقت ما  
لا تكون معه

بسنت هشام



## كنت لكي الأب وكتتي لي الام

أستيقظ ياسين في صباح يوم من الأيام من نومه في فيلته مبتسم الوجه على حلم جميل سيغير حياة التقليدية ويخلق مغامرات وحب في كل يوم .

فلاش باك : ( وصف البطل : طول بعرض ابيضاني عيونه عسلى فهو من أغنى رجال البلد عنده مستشفى خاصته بناها بتعبه هو وتخرج من جامعة عين شمس كليه الطب تخصص عيون وابيه من أغنى رجال البلد عنده اكبر سلسله فنادق وشركته الخاصه به ويقيم في قله بعيداً عن ابيه واخواته ووالدته متوفيه مثقق وطموح ويبلغ من العمر ٢٨ عام عنده أخوين ) كريم يبلغ من العمر ٣٠ عام يعمل مع أبيه بشركته- وأحمد يبلغ من العمر ٢٥ عام ويعمل مع أبيه ( بشركته )

فلاش باك : ( وصف البطله : تعلمت ودرست بجماعه عين شمس آخر سنه ليها بكلية الطب تخصص جراحه والدها متوفيه تبلغ من العمر ٢٥ عام لها أخ ) أسر ( يعمل ببنك خريج بكالوريوس تجارة قسم محاسبة يبلغ من العمر ٣٠ عام ولها أخت ) شهد ( تبلغ من العمر ٢٠ عام في السنه الثالثة بكلية الهندسة .

أما الأم أمينه: فكانت لهم كل شئ الأم والأب بعد موت أبيهم  
والصديقه والعون تبلغ من العمر ٥٠ عام تعمل في بعض الفلل  
لتساعد ابنها في المصاريف والتعليم وجهاز الأبتان  
وفي يوم راجعه من شغلها وعليها التعب والارهاق ولم تكن تعرف بما  
سيحدث لها مفاجآت سيرسما ابتسامتها من تانى على وجهها  
ذهبت إلى البيت ولسه هتفتح شقتها ورأت مفاجاه ستنسيها تعب  
السنين كله .

تفتح الأم الباب وتتفاجئ ببناتها الجميلات ( يسرا - شهد )  
فرحانين ومبسوطين ويسرا فاجأت مامتها وقالتها ماما أنا نجحت  
بتقدير ممتاز والاولى على دفعتي

الأم: يا حبيبتي فرحتيني خلاص هتبقى دكتورة وترفعي راسي

يسرا: الله يبارك فيكي ياماما

.....

مصطفى: عامل اى؟

ياسين: الحمد لله.....

.....

مصطفى: بقالى ساعه بكلمك وانت سرحان ومش معايا خالص  
ياسين : حلمت حلم غريب مش فاهمه ولا فاكره مش فاكر منه  
غير حاجه واحده

مصطفى : إيه هي

ياسين : بنت زى القمر وعيونها لونها أزرق زى الوؤلؤ

مصطفى:أيوا ياعم

ياسين : صدق أنا غلطان انى حكتلك أمشي يلا

مصطفى : أنا ماشى قبل ما اتطرد ولا حاجه أبوك بيتصل أهو

وعايزنى في الشركه سلام

ياسين : سلام

(فلاش باك) مصطفى صديق ياسين منذ الطفولة تخرج من كلية

التجارة انجلس ويعمل مع أبو ياسين منذ التخرج ويبلغ ٢٨ عام مثل

ياسين صديقه

ياسين أخذ السيارة وذهب إلى المستشفى ووصل

.....

يسرا والأم واختها وشهد يتحدثون ويتذكرون ويضحكون على

ذكريات وفاجأه دخل عليهم أخو يسرا

(أسر) : اى مش هناك بقى

الأم : دايما كدا همك على بطنك

يسرا : أنا اتخرجت النهارده

أسر : وأخيرا هتبقى دكتورة ونرتاح من الدراسه بقى

يسرا :الحمدلله

أسر : يلا بقى ناكل

يسرا والأم وشهد: ههههه مفيش فايده فيك

.....

ياسي ن: ألو عايز ايه

مصطفى : مقولتليش البنت اسمها ايه

ياسين : أنا غلطان انى رديت عليك

.....

يسرا: ماما خشى ارتاحى وأنا وشهد هنععمل الأكل

الأم : أنا بحب اعمل ارتاحو انتو

يسرا : لا يا ماما احنا هنععمل

يسرا : شهد ياشهد تعالي

شهد : نعممممم

يسرا : دخلى ماما الأوضه وتعالى ساعديني

شهد : حاضر

.....بعد سكوت شويه.....

شهد : مالك؟!

يسرا: ماليش!

شهد: لا فيه

يسرا: بصراحة أه

شهد: ايه؟!

يسرا : أنا حلمت

شهد : وفيها ايه يعني ماكلنا بنحلم

يسرا : حلمت بشب

شهد : نعمممم!

يسرا : والله

شهد : اتجننتى صح أكيد اتجننتى

يسرا : لا والله انتي فهمتي ايه أنا معرفهوش

شهد : طب ازاي حلمتي بيه وانتي متعرفهوش وحلمتي اى؟

يسرا : مشكلتي اني مش عارفة ومش فاكرة الحلم فاكرة شكله

بس

شهد : حلو؟

يسرا : صدقي أنا اللي غلطانه اني قولتلك

شهد : طب يلا يا اختى يا ام حلم انتي نطلع الأكل وناكل عشان

جعت

يسرا : هههه ببطن زي أخوكي

وقعدوا أكلوا وأتبسطوا وضحكوا وكل حاجه والأم راحت تجيب

حاجات من برا البيت وسابتهم وهما دخلو اوضهم وناموا

.....

ياسين: صار بسيارته يفكر بهذه البنت أم عيون لؤلؤ ويحاول يتذكر

أى شئ من الحلم مش عارف ليه علقته معاه ومش عارف ليه بيفكر



وهى من الصدمه مش بتتكلم  
ووصل أسر إلى المستشفى  
آسر : يسرا شهد ايه اللي حصل لماما  
يسرا بحزن : ماما عملت حادثه وهى في العمليات دلوقتي  
شهد : جريت على الدكتور اللى خارج من العمليات لتطمئن منه  
على مامتها..... خير يادكتور  
الدكتور : الحمد لله العمليه تمت وهنقلها على حجرة عاديه وعلى  
حسب التحسينات عشان رجلها و ممكن تخرج بكره بإذن الله  
ودموع فرح تسير منهم جميعهم  
وسط نظرة الزعل من ياسين إلى يسرا عايز يقولها مش عايز  
عيونك تبكى ولا بفرحه ولا بحزن أنا بحبهم مش عايزهم يتأذوا  
لا تبكى يا أميرتي فأنا بجانبك

شهد : يسرا اسألنى الدكتور هنمشى بماما أمتى..

يسرا : إسألنى انتي

شهد : بقالى ساعة بكلمه والاساذ سرحان مبيردش عليا

يسرا : طب اسكتي

شهد : لا ما انتى لو مسألتيش هاخدك ونمشى ونجيلها بكره

يسرا : لا طبعا مش هسيب ماما

شهد : طيب يلا إسألنى الدكتور

يسرا : طيب طيب

شهد : أخيراً

.....

يسرا : دكتور لو سمحت هنمشى بماما امتي؟

ياسين : ممكن النهارده ان شاء الله بس هنعملها تحاليل ونكتب على

دوا وتمشوا بإذن الله

يسرا : تمام

دخلوا لماتهم الحجرة وجرروا عليها

ماما كدا كنتي هتسبينا ألف سلامة عليك يا حبيبتى

الأم : الله يسلمكو يا حبايى

آسر : يارتنى كنت مكانك ومشفش فيكى وحش يا حبيبتى

الأم : بعد الشر عليك يا حبيبي متقولش كده

ياسين : الف سلامة على حضرتك وان شاء الله تقومى بالسلامه

الأم : ان شاء الله شكراً يا ابنى

ياسين : أنا آسف واستأذن أنا بقى

الكل : إذذك معاك.....

فيلا ياسين .....

الداده : احنا نهرب بقى ونأخذ الحاجه قبل ما يجى ياسين بيه

البواب : يلا

الداده : أوعى تنسى تقفل باب البوابه من برا كويس

البواب : طيب انجزى انتي بس عقبال ما أفضل الباب تكوني فتحتي  
الخرنه

الداده : تمام يلا.....

هناك أمير حزين على جميلته الذي اتخذت عنه فكرة سيئه وذاها  
إلى فيلته بسيارته ويفكر بماذا يعمل ليقرب هذه أم عينان جميلتان  
إليه ونزل من سيارته ودخل إلى الفيلا.....

ياسين رأى البواب والشغالة وهم يهريون وأتصل بالشرطة  
ووقفهم.....

ياسين : بتعملوا ايه؟!.....

البواب والشغالة : اااااا ا ص ل اااا

ياسين : اصل ايه مالكو

البواب : يا باشا اصلنا بنشيل حاجات قديمه بنرميها

الشغاله : اه اه حاجات بنرميها

البواب : يلا ساعديني ياكريمة عشان نرمى الحاجات

ياسين : لا ترموا ايه أبص على الحاجات الأول وأنا اقول تترمي ولا  
لاء

البواب والشغاله بقلق : لا يابيه احنا عارفين لمينا الحاجات اللي  
حضرتك مش عاوزها

ياسين : هششش وشاف الشوال ولقى ذهب وفلوس وأسلحه كانوا  
شاييلينها في فيلته واتصل بالبوليس وجه وقبض عليهم.....

استمر شهر يفكر في هذه البنت التي خطفت قلبه وعقله ويحاول يفكر في خطه تقربه منها مش عارف ليه بي فكر فيها بس حاسس إنه حبها.....

إنما هي والمفاجأه أنها تفكر نفس التفكير لتقرب منه ولا تعلم لماذا تفكر هكذا.....

يعود ياسين إلى المستشفى للشغل واتفاجئ باحلى وأرق وأقرب إنسانه لقلبه وعقله تنتظره بالمستشفى.....

يسرا : السلام عليكم

ياسين : وعليكم السلام ورحمة الله وبركاته.....نورتيني

يسرا : نورك

ياسين : خير في حد تعبان ولا حاجه

يسرا : لا أنا جايبه ملفي وحابه اشتغل معاك في المستشفى

ياسين : وريني ملفك هبص عليه ولو كدا هنتصل بيكى

يسرا : تمام..... شكرا.....

وحمد ربه إن ربنا قربها منه

ياسين : ممكن تتغدى معايا النهارده واعتبريها اعتذار مني على

اللى حصل

يسرا : المهم ماما الحمد لله بقت كويسة ومش هينفع معلىش عشان

هتأخر

ياسين : خلصى مشاويرك وعرفينى مكانك فين هاجى اخذك  
ونروح نتغدى

يسرا : تمام.....

ذهبت إلى البيت سعيده إنها هتقابله لا وكمان ممكن تشتغل معاه  
وهيبقى يومها كله معاه

وقالت لمامتها على الوظيفة وكلهم فرحوه .....

واتقابلوا واتغدوا واتعرفوا على بعض وضحكوا وروحوا البيت وقالها  
بصيت على الملف تقدرى تيجى المستشفى بكرة تبدأي شغلك  
ومشى.....

وراحت تانى يوم المستشفى وهى فرحانه جدا إنها هتشوفو وشافته  
كان بيتكلم مع المرضى وفضلت تتأمل فيه ومرة واحدة قرب منها  
وقالها :

ياسين : أنا بحبك

يسرا : ..... في صمت تام وافكرت الحلم وهو كمان افكرت ان  
الحلم بتاعهم عبارة على ان كان بيعترف بحبه ليها واتقدملها

ياسين : سكتى ليه

يسرا : انت... ؟

ياسين : أنا ايه؟

يسرا : بتتكلم بجد

ياسين : أكيد

يسرا : من إمتى احنا لسه عارفين بعض عن قريب  
ياسين : مش هكدب عليكى واقولك حبيتك من اول نظرة والكلام  
دا بس هقولك إنى حلمت بيكي قبل ما اشوفك ومن ساعتها  
حبيتك

يسرا : ايه دا وأنا كمان حلمت بيك....

ياسين : بجد..... بتتكلمى جد

يسرا: اها والله

ياسين : مش مصدق نفسي...رينا بعد كل دا رضانى وجمعنى بجد

أحبه ويحبنى وبعد قصه جميله كمان وحلم أجمل.....

يسرا : رينا عظيم....

ياسين : طب هنكمل شغلنا وبعد الشغل نتقابل هقولك على

حاجه....

يسرا باستعجاب: تمام.....!)

بعد الشغل الاتنين اتقابلوا وقعدوا في كافيه وجبلها هديه

ياسين : ممكن تقبلى دى منى؟

يسرا : ايه دى؟!

ياسين : هديه بمناسبه ان اعترفت لك بحبى

يسرا : الله جميله رينا يخليك ليا

ياسين : ويخليكي ليا

.....

الأم : اختك اتأخرت  
شهد : معلىش ياماما تلاقى فى ضغط شغل عندها  
الأم : طب اتصلى بيها  
شهد : حاضر ياماما ان شاء الله خير  
الأم : ان شاء الله  
شهد : أمك قلقانه عليكي  
حاضر أنا جايه أهو  
ياسين : هتمشى ولا ايه  
يسرا : اها قلقانين عليا فى البيت  
ياسين : تمام.... لا اله الا الله  
يسرا : محمد رسول الله  
ياسين : يلا هوصلك  
يسرا : لا شكرا هتعبك معايا  
ياسين : مفيش بنا تعب يلا  
فضل سايق السيارة وهى بتفكر بعلاقتها بيه وانها نفسها تبقى قدام  
الناس.....  
ياسين : مالك؟  
يسرا : ماليش  
ياسين : هعمل نفسي مصدقك  
يسرا : هههه

ووصلوا.....

ياسين : عايزه حاجه

يسرا : سلامتک

ودخلت يسرا البيت وأمها فرحت لما شافتها واتعشوا.....

يسرا : يلا تصبحو على خير عشان عندي شغل بكرة بدرى

شهد : وانتى من أهل الجنة ياقلبي ربنا معاكي

الأم : وانتى من أهل الخير ياقلب ماما ربنا معاكي

آسر : ربنا معاكي ويوفقك يارب وانتى من أهله

.....

فضلت تفكر به ونامت

إنما هو فبيفكر بما سيفاجأها غدا

وفي الصباح جأت مكالمه للقمر

ياسين : صباح الخير

يسرا : صباح النور

ياسين : عامله ايه

يسرا : الحمد لله وانت

ياسين : بخير

يسرا : دايمًا

ياسين : متجيش الشغل النهارده

يسرا : يه ؟!

معلش وهتصل بيكى تجهزى نفسك على الساعة ٤

يسرا : ليه

ياسين : النهارده مفيش أسأله

يسرا بتعجب : أولك !

ولبست وجهزت نفسها وانتظرت اتصالة

إنما هو فيحضر نفسه ليفاجئ حبيبته

.....

وجات الساعة ٤ واتصل بيها

ياسين : ألو يا حبيبتي

يسرا : ألو يا ياسين ها مقولتش رايعين فين ؟

ياسين : مش قولنا النهارده مفيش أسأله

يسرا : امممممم..... تمام

ياسين : يلا في عريبه هتاخذك دلوقتي

يسرا : حاضر

ووصل السواق ليها بالعربية وخذها على مطعم شيك حاجزه ليهم

بس.....

وهى واقفة تتفرج ومدهولة بالمنظر الجميل ده بلالين رقيقة وأغانى

هادية وجو جميل وشموع وصورها منذ صغارها كبرها على شاشه

العرض مع موسيقى رومانسيه وكانت بتدمع من الفرحة ومرة  
واحدة تسمع صوته من وراها.....

ياسين : أميرتي أم عيون كاللؤلؤ..... تتجوزيني.... بدموع حب  
وحنان في عينيه راكعا على ركبته ممدا بيده لها خاتم المآظ  
وبوكيه ورد أحمر مثل لون فستانها.....  
يسرا : أقبل.... بدموع حب وفرح في عيونها.....  
واتعشوا واتبسطوا وروحها وراح لباباه الشركة...

فلاش باك : الأب يبلغ من العمر ٥٤ عام لديه شركته الخاصه  
وسلسله فنادق ومصنع ملامحه زى ياسين ووسيم لكنه مغرور واسمه  
محمد.....

الأب : أخيرا شفناك... عاش من شافك  
ياسين : ازيك يا بابا عامل ايه.....والله وحشني  
الأب : بإمارة ما بتجيلي.....ومتقولش مشاغل..  
ياسين : والله يا بابا فعلا الشغل كتير ويادوب بروح أنا  
الأب : ماشى هحاول أصدقك....مش ناوى تفرحنا بقى وتتجوز  
وتجيب لي أحفاد..

ياسين : ماأنا كنت لسه هفاتحك في الموضوع.... عايز اتجوز  
ولقيت بنت الحلال بنت محترمه ومتقفه ومتعلمه وزى القمر  
دكتورة معايا في المستشفى

الأب : دا انت واقع بقى خلاص ادينى اسمها ومنطقتها وأنا اسالك  
عليها ونروح نخطبها لك

ياسين : ماشى يا حبيبي تسلملى

الأب : تعالى اتعشى معايا النهارده بعد الشغل

ياسين : والله يا بابا عندي شغل ومواعيد النهارده هجيلك يوم تانى

.....

الأب : ماشى ياسيدى هعزرك المرادى

ياسين : سلام يا بابا

الأب : سلام

.....

روح ياسين بيته وكلم حبييته في الضون وقالها انه كلم باباه

كلمى مامتك عشان نخلص موضوعنا قالتله حاضر إن شاء الله

يلا تصبح على خير... وانتى من أهل الجنه....

جاله تلفون من باباه

ياسين : ألو يا بابا

الأب : البنت دى متنفعش يا ياسين

ياسين : ليه يا بابا أنا بحبها

الأب : مش مستواك الاجتماعي خالص دى

ياسين : بابا أنا بحترمك وكل حاجة وبحترم رأيك بس ولا

بالمستوى والا الفلوس أهم حاجة بنحب بعض والبنت محترمه

الأب : بص أنا نصحتك وانت حر في قراراتك بس مش همشى

معاك في الجواز دي وانت حر في قرارك وهترجع تندم

الأب : براحتك يا بابا..... سلام

وقفل ياسين فونه وبات يفكر فيما يحدث ووصل إلى انه سيقنع ابيه

ولو محصلش هيروح لوحده ويخطب حبيبته ايه يعنى ماهو طول

عمره لوحده ويعمل كل حاجة لوحده وعمره ما وقف جانبه جات

على خطوبته.....

وفي الصباح جاله تلفون من حبيبته وقالتله إن مامتها وافقت

ومستنياكوا..... ماشى يا حبيبتي إن شاء الله هكون عندكو

بالليل..... سلام

.....

ووصل إلى شركه أبيه واقنعه وأخيراً هيجى معاه بالليل.....

وصلوا ياسين وباباه إلى بيت يسرا وشاف اميرته كانت كاملائكة

بفستانها وتسريحة شعرها.....

نظر الأب إلى العائلة وانصدم بما رأي حب عمره زمان اللي سابتة  
واتجوزت واحد تانى أم يسرا اللي جاي يخطبها لابنه  
القدر بيلعب دوره في إنه يرجع اتنين عشاق اتحولو لأعداء  
فضل ياسين يتكلم وأبيه وأم يسرا سرحانين مع بعض بيعاتبو بعض  
بالنظرات ومش مصدقين بعد كل السنين دى كلها يتقابلوا  
الخطوبه عدت على خير الحمد لله حوالين نظرات الأسئلة من الأب  
للأم والأب أخذ الأم على جنب وعاتبها وهى حكى له عما حدث لها  
أن أخوه أخذها واغتصبها فاتغصب عليها تتجوزه وخذها بعيد عنه  
وروحوا والأم حكى لابنائها على كل شئ والأب حكى لابنائته عن  
قصته هو وهى .

فلاش باك : كانت الأم (أمينه) هى والأب (محمد) مخطوبين عن  
قصه حب وأخو الأب كان بيحبها حب نَمَلْكَ اللي هو عم ياسين  
وخطفها منه واغتصبها وهى اتجبرت تتجوزه وبعدت عن حبيبها  
وكانت ضحيه القصة زيه بالظبط.....

واليوم التاني اتفقوا على الزواج

وبعد مرور شهرين نزلت من على السلالم أميره بالفستان الأبيض  
حوالها نظرات الكل معجبون بجمالها ومنهم حبيبها ياسين وتم  
الفرح وكتب كتاب الأم على الأب والجميع سعداء والكل صار اللي  
فيلته.....

وبعد مرور سنتين جتء موعد ولادة يسرا وأستيقظ ياسين على صوتها وحملها وذهب بها إلى المستشفى والكل موجود خارج حجرة العمليات قلقون عليها واخيراً سمعوا صوت البيبي وجرى ياسين عليها ونظر إلى عيونها اللؤلؤ وقال لها ألف سلامة عليكى يا حبيبتى قالت له هتبطل تحبنى ضحك وقال ولو جبننا مية طفل سأظل أحبك

يسرا : هتسميها ايه؟

ياسين: هسميها لؤلؤ مثلما سميت عيونك عندما رأيتك أول مرة  
في حلمى يا أميرتى الجميلة

يسرا : رينا يخليك ليا وميحرمنيش منك ابدا

ياسين : ويخليكى ليا وميحرمنيش منك ابدا

## حكايات نصف الروح

أنت مين ، متموتنيش

أهدي مفيش حاجة

جريت بسرعة وأستخبيت وراء الباب

أبعد عني

أنا مش هأذيكي

بقولك أبعد عني

طيب طيب خلاص بس تعالي أرتاحي أنت لسة تعبانة

مسكت راسي كنت حاسة بصداع جامد كان في شاش ملضوف على

راسي ودي آخر حاجة فكراها قبل ما أفقد الوعي

..

لسة معرفتوش أي معلومات عنها؟

لا يا دكتور مكنش معاها أي أثبتات شخصية ولا حاجة توصلنا

بيها

تمام خليكي متبعاها وكل ١٢ ساعه حقنة

....

مش عارف يا دكتور حاسس إنني أعرفها أو شوفتها قبل كدة

عادي يا أيوب يعني أنت دكتور ومعرض تشوف آلاف الناس

والحالات يوميا

لاء مفكرش

أنت شاغل دماغك بيها كدة ليه؟

مش عارف بس حاسس إنني عارفها ، وعارفها كويس

هي فاقت؟

أيوه بس أدتها حقنة مهدأة

لسة موصلتش لأي معلومات عنها

لاء

طيب أنا ماشي لو أحتاجت حاجة كلمني

...

كنت قاعدة شاردة وسرحانة في المكان اللي فوقت لقيت نفسي فيه ،

مش فاكرة حاجة ولا فاكرة أيه اللي حصل ولا حتى عارفة أنا

جيت هنا أزاوي وليه مش فاكرة أي حاجة ، دوامة من الأفكار وأنا

لسة شاردة لما الباب خبط ودخل شخص معروفش ودي تقريبا كانت

تاني مرة أشوفه في المكان ده.

عاملة أيه دلوقتي؟

كنت لسة باصة للفراغ وساكتة مابتكلمش ، أنا من عادتي

مابردش على الغرباء وخصوصا المتطفلين أمثاله

— ممم شكلك لسة تعبانة

كان بيحاول يخليني أتكلم بس أنا دماغي كانت في مكان ثاني غير  
ده ، أبتسم أبتسامه هادية وقرب من طرف السرير – أنا دكتور أيوب  
المسئول عن حالتك

نظرة واحدة ماحدثش أكثر من دقيقة عشان أرجع أبص للفراغ مرة  
ثانية

– أنا عارف إنك لسة تعبانة ويمكن مش عاوزة تتكلمي عن الحادثة  
اللي حصلتلك

أخيراً بصتله وأنا عاقدة حواجبي وسألته بأستغراب  
– حادثة!!

سكت دقيقة وملامح وشه مكنتش أقل أستغراب مني  
– أنت مش فاكرة؟

مش فاكرة أيه؟

أنت عمليتي حادثة من ٣ أيام ولسة فايقة النهاردة  
حسيت الدنيا بتدور بيا من ثاني دماغي وقفت عن التفكير – أنا  
مش فاكرة حاجة

كملت بتسائل

– هو أنا جيت هنا أزاى ، في حد كان معايا؟

جيت هنا أزاى زي ماقولتلك حادثة ، أما بالنسبة لحد كان  
معاكي ، فلا محدش كان معاكي

طيب فين أهلي؟

ده اللي بحاول أعرفه منك

رجعت أبص للفراغ وقولت بشرود

– بس أنا مش فاكرة حاجة

طيب أرتاحي دلوقتي

كنت مراقبة حركاته بصمت وملامح جامدة خالية من أي تعبير

وبدون أي رد فعل لحد ماخرج من الأوضة بمنتهى الهدوء

...

عدي وقت طويل على وجودي هنا بس الحقيقة إنني معرفش كام

يوم مبعثش بعرف أميز أي حاجة من جوا الأوضة اللي موجودة فيها

بس أقدر أضمن إنني هنا بقالي حوالي أسبوع ، الجو هنا بارد أوي

دايما حاسة ببرودة شديدة رغم ان المكان دافئ كفاية معرفش أي

سبب البرود اللي حاسة بيها طول الوقت ، يمكن عشان الوقت

بيعدى ببطئ وبشكل مريب وبارد بنفس درجة برودة المكان حواليا

...

الباب خبط وأنا على نفس الحالة زي ما توقعت الدكتور المتطفل

اللي وجوده أصبح بيضايقني أكثر من وجودي هنا

دخل وعلى وشه الأبتسامة المعتادة بتاعته

– صباح الخير ، عاملة أيه النهاردة؟

سكت

بقالك أسبوع هنا ورافضة تتكلمي وإحنا محتاجين نعرف أي

معلومات عنك

أحكيلي أي حاجة فكراها

كنت باصة للسقف ومش بتكلم

– طيب أنتي مين؟

أسمك أيه؟

طيب خيلنا ندردش شوية

أيه آخر حاجة فكراها

آخر حاجة فكراها صوت أصطدام جامد وبعدين ...

بصلي بتساؤل

– وبعدين أيه اللي حصل؟

فوقت لقيت نفسي هنا

بس كدة؟

بس كدة

يعني مش فاكره أي حاجة قبلها؟

مكنتش عارفة أجابوه ، الحقيقة أنا مش فاكرة أي حاجة

أنتِ مش فاكرة حاجة بعد كدة؟

حركت دماغي براحة وأنا تايهة

– لا

طيب أي حاجة أي حاجة حتى لو بسيطة توصلنا لأهلك ، أسمك ،  
أسم حد تعرفيه ، عنوانك أسم عيلتك ، أيه اللي حصل قبل  
الحادثة حتى لو تفاصيل صغيرة ، أيه اللي فكراه عن حياتك  
الأفكار كانت بتتصارع في دماغي حاسة إنني مضغوطة ودماعي  
هتنفجر مش قادرة أفكر ولا أفكر أي حاجة دماغي وقفت عند  
الدقيقة اللي عملت فيها الحادثة حطيت أيدي على دماغي وأنا  
بصرخ

- معرفش ، مش فاكرة خلاص بقا سبوني في حالي

خلاص أهدي مفيش حاجة ، أهدي

لسة كان هيخرج بس اتفاجئ بصوتي واتفاجئ أكثر بطلبي اللي  
وصفه ليا بعدين إنه أكثر موقف مضحك مر عليه في حياته وإنه  
أكثر طلب جيه في غير وقته  
- جعانة..

نعم!!

كررت الكلمة تاني وكانها طبيعي جدا وعادية أقولها في وقت زي ده  
- جعانة

لحد دلوقتي مش فاهمة ليه وقتها أبتسم أبتسامة واسعة وخرج بعد  
ما قالي

- هعتبرها بداية ظريفة ما بينا وفتح باب للدردشة

الدكتور ده بيقول كلام غريب ، أياً كان اللي يقصده بكلامه فأنا حقيقي كنت جعانة ومحتاجه أكل كتير تفكير غريب وشبه معقد بس على كل حال أديني بتعامل معاه..

" أمتى هتعرف أمتى ، إني بحبك أمتى "

مكنتش أعرف إن الأغاني مسموح بيها هنا وفي مكان زي ده هو بصراحة مش مسموح بيها بس بس!

بس ياستي ، أتفضلي الأكل أخذت الشنط من إيديه ريحة الأكل كانت تجنن وبسرعة فتحت الأكل وبدأت أكل مش هتاكل!

والله لو معندكيش مانع أبتسمت وكملت أكل وهو جيه قعد قصادي وبدأ ياكل هو كمان بس رغم تجاهلي لوجوده مقدرتش أتجاهل نظراته ليا . أنا هفضل هنا كتير!

لحد ما حالتك تتحسن الذاكرة هترجعلي أمتى؟ مقدرش أقولك وقت محدد ، يمكن يوم شهر سنة ويمكن

- ويمكن!!

- ويمكن مترجعش مش كدة!

دي حالات نادرة جداً يعني بنسبة ١٪ ، مفتكرش حظك سئ لدرجة  
تكوني من ال ١٪ دول

مجرد ما انتهى من كلامه ضحكت وهو كان بيصلي من غير أي  
رد فعل ووشه خالي من أي تعبير ، بعد فترة من الصمت بصتله وهو  
لسة مركز عليا

- عارف ال ١٪ دول اللي بتقول عليهم دول أنا!

نظرتك متشائمة قوي للحياة

أو يمكن واقعية قوي

مشي ناحية الستارة وفتحها ، قد أيه حسيت براحة وكإني بتنفس  
لأول مرة

الجو حلو النهاردة

نظرتك أتغيرت في لحظة

ضحكت ورجعت بصيت للسماء

- أنا بس عاوزه أعرف أنا مين ، إحساس وحش قوي وأنت تايهه

كدة مش عارف نفسك ولا عارف حاجة عن حياتك

أطمني أنا بوعدك إني هساعدك لحد ما تعريف كل حاجة عنك  
وترجعلك الذاكرة ، وعشان تطمني أكثر إنسي إني الدكتور

بتاعك أعتبريني صديق أو أخ

شكرا بجد

من قانون الصداقة رقم ١ مفيش شكر بين الأصدقاء

ضحكت على طريقته وحركت رأسي

– موافقة

كان طول القعدة بيتكلم عن نفسه وحياته وبعد فترة بسيطة

يسألني سؤال ، كان عنده طريقة تجذبك لكلامه وتجبرك تكون

منتبه معاه حتى لو حاولت تتجاهله

كل يوم بيعدي بعرف حاجة جديدة ويكتشف حاجات أكثر عن

نفسى حاسة إني لسة بكتشف الحياة من جديد..

بتعملي أيه؟

أنا ازاي ماخدتش بالي إنه موجود ، رفعت وشي من الكتاب وأبتسمت

له وأنا بقول

– بقرأ رواية

حب؟

ضحكت

– حب!!

أيه غلط؟

لا مش غلط

عمرك ماقرיתי رواية حب؟

لا ، أو يمكن أه قرئت قبل كدة مش عارفة

مقولتيش بتقري أيه؟

حاول يغير مجرى الكلام بسرعة والحقيقة إنه نجح في ده

– بقرأ رواية ، بس مش حب

أمال أيه؟

جريمة

أعوز بالله مع إنه شكلك ما يدیش كدة

لا لا خالص أنا أصلا بحب الرعب والاكشن

وبتقري لمن بقا؟

أجاثا كرستي

واو

قريتها قبل كدة؟

مش كتير بس أسلوبها شدني

سكتت شوية وسرحت وهو أخذ باله

– مالك ، أنت كويسة؟

مفيش أنا تمام

قانون الصداقة رقم ٢ مينفعلش نخبي حاجة على بعض

مفيش حاجة ، تعرف حاسة إن دي مش أول مرة حاسة إنني قررتها

قبل كدة كتير ومش هي بس لا ، حاسة إنني قررتها

كتب وروايات كتير ، عندي شغف مش طبيعي للقراءة حاسة

بمتعة حاسة إن دي مش أول مرة أمسك رواية

طيب دي حاجة كويسة جدا

نفسى أعرف حاجة عن أهلي

أنا!!

أنت!! أنت أيه مش فاهمة

أنا أهلك ، أعتبريني أنا كل أهلك

أول مرة من وقت طويل قلبي يدق بالشكل ده ، أول مرة أحس إنني

عندي مشاعر حب تجاه حد ، ويمكن دي أول مرة مشاعري تتحرك

ناحية حد

لاحظ شرودي وسكوتي اللي طال لدقايق لقيته مسك الكتاب

وقضله ورفع وشي تجاهه

— مالك؟

خايفة

هاتي أيديك

بصتله باستغراب وتردد بس هو كان أسرع وقال

— بيقولوا حضن الأيد بيظمن ، جربي

مدلي أيده ولسة باصص لعينيا

— أنت بتعمل كدة ليه!

بحبك

...

دي آخر حاجة كنت أتوقعها ، دي حاجة مكنتش أتوقعها من الأساس ، أزاي يعني كل اللي كنت بحس بيه ده مكنش مجرد خيال ، طريقة كلامه ، معاملته ، طريقته معايا ، أبتسامته اللي مش بشوفها غير وهو موجود معايا كل حاجة كانت بتقول أني مش مجرد مريضة عنده في شئ أكبر من كدة بكتير..

بعد دقيقة قطع شرودي قربه مني وهو بيقولي

– عينيكي حلوة أوي ، مكنتش فاكر إنهم حلوين أوي كدة

أنت قولت أيه؟؟

عينيكي حلوين باين!

لا مش دي!

قربلي أكثر بكتير

– قصدك ، بحبك

يخريبتك ، قصدي أنت بتقول أيه؟

وهنتهز فرصة إنك فاقدة الذاكرة وهقولك إنت كمان بتحبيني

ضحكت وحسيت برعشة كهرباء في قلبي

– ممم وكنا مخطوبين ولا متجوزين!

لاء مخطوجوزين

نعم!

نقرأ الفاتحة ها قولتي أيه!

أيوب ، قصدي دكتور أيوب

لا هي حلوة أوي أيوب كدة  
طيب من فضلك كفاية هزار  
رفع لي حاجبه بتكشيرة ورفع أيديه على صدره  
- نعم! ومين قال إني بهزر  
مش فاهمة!

نقرأ الفاتحة وهفهمك بعدين  
أنت بتنتهز فرصة إني فاقدة الذاكرة ، صح؟  
صح

بتحب واحدة متعرفش هي مين!  
لاء عارفها كويس جدا  
قطع كلامه وراح ناحيه الشباك وفتحته كان منظر يخطف العين  
والقلب منظر النجوم والقمر وسط عتمة الليل ، وقف قصاد الشباك  
وأخذ نفس وهو مغمض عينيه ورجعلي وهو بيبتسم  
- لنفرض إن أسمك ليل مثلا

ليل!!

ليل

أشمعنا ليل!

لأنه أكثر أسم لايق عليك  
أنا خايضة أوي حاسة إني ضعيفة وتايهة  
قرب مني ومسح خدي بطرف أيده

– قانون الحب رقم ١ طول مانا جانبك ماتخفيش من أي حاجة ،  
وجودي بالنسبالك هيكون أمانك ، طول مانا عايش أيدي هتفضل  
ماسكة في أيديك

بس..

قانون حب رقم ٢ أنا معاكي لأخر نفس ولأخر لحظة في عمري  
وأنا بحبك

....

المريضة فاقت.

لحظة ما فتحت عيني ، نفس الشعور بيتكرر ، شعوري لحظة  
خروجي أول مرة للحياة..

بس اللي كان مختلف المرة دي ، هو شعوري بلسعة كهربا غريبة في  
كل جسمي والأغرب إن كل الكهربا دي أتجمعت في قلبي وعملتله  
حالة أنتعاش

معقولة أكون لسة بتولد من جديد ؟

بس هو فين!

فين الدكتور أيوب!

فين صاحب لسعة الكهربا اللي حصلت لقلبي ، فين اللي أخذ بإيدي  
ورجعني تاني للحياة!!

بعد دقيقتين من حالة الشرود والتعب قدرت أعرف أنه مكنش  
حقيقة ، ده كان إشارة رجوع مش أكثر.

دكتور أيوب الحالة فاقت

أنا فين!

أنتي في غيبوبة بقالك ٦ شهور والدكتور أيوب متابع حالتك

دكتور أيوب!!

أيوه ده حتى بيقول إنه يعرفك

دقيقة كانت كفيلة ترجعني ٥ سنين وراء ، الشاب الحلو أبو

قميص أبيض اللي خطف قلبي من أول يوم أسمه أيوب!

حمدالله على السلامة

أيوب!

ملامح وشي أتغيرت فجأة واتوترت

– ليل أنت كويسة!

ده مش حلم ، مش حلم!

مالك؟

بصتله وبدون تردد قولتله

– خايضة

هاتي أيديك

بصتله وقلبي بيدق

– بيقولوا حضن الإيد بيظمن ، جربي

مدلي إيدو ولسة باصص لعينيا

– أنت بتعمل كدة ليه!

بحبك

أنا..

قانون حب رقم ..

مدتله إيدي بحب

– قانون حب رقم ٣.. بحبك

بحبك بحبك!

بحبك بحبك

## ما يخفي وراء إغماء هذا الشاب

-من ٣ سنين .. فاق شاب من غيبوبته أو إغمائه ف لقي بنت جمبه  
لبسها يُظهر من جسدها أكثر مما يُخفي وده لأنه متقطع ويبدو إن  
البنيت كانت ف حالة إغماء ..

حاول يفوقها بربكة لإن هو كمان كان في حالة لا يُرثي لها .. وبدأ  
يحاول يغطي جسمها وفجأة خد باله من منظر الدم اللي حوالين  
البنيت اللي بينزف منها فلبس قميصه ونزل خد عربيته وجري بيها  
على المستشفى

وهو مصدوم ومش قادر يفكر أي حاجة .. مين دي؟

وايه اللي عمل فيها كدة؟

وليه هو كان نايم جانبها في الأرض وخالع قميصه ..

وايه اللي حصل أساسا ! لكن مقدرش يوصل لحاجة

خرج الدكتور من عند البنيت وسأله بعصبية شديدة جداً :

-مين اللي عمل فيها كدة؟

-عمل فيها إيه؟ هي مالها

-مين حضرتك ف الأول؟

-أنا قريبها يا دكتور

-قريبها ! آه ..طيب يا قريبها أنا مُضطر أبلغ البوليس دلوقتي  
حالاً لأنها للأسف إتعرضت لحالة إغتصاب من متوحش .. ده دمرها  
ونزفت كتير جداً ولو مكناش لحقنا نوقف النزيف كانت لاقدر الله  
ممکن تموت !

-إغتصاب !

-وهو حضرتك قريبها وجايبها لحد هنا بالمنظر ده وإنت مش  
عارف هي إتعرضت لإيه؟

وبعدين الدكتور سابه ومشى على أساس إنه يبلغ البوليس ..ف.  
الوقت ده كان صاحبنا دماغه هتقف من التفكير ..بيحاول يتذكر  
أي حاجة لكن مش قادر ؛ فما كان منهُ إلا إنه ينزل يركب عربيته  
ويمشى في طريق بسرعة جداً حتى إنه كان هيعمل حادثة ..وقف  
قدام شركة بدون ذكر إسمها وطلع بكل عصبية على مكتب ورزق  
الباب ودخل مسك في الشخص اللي جوا المكتب ودار بينهم الحوار  
ك الآتي :

-لو مفهمتنيش دلوقتي حالاً إيه اللي حصل أنا هحبسك

-براحة بس يا حسن بيه ..إيه اللي حصل !

-إدتني إيه إمبراح ..عملت فيا إيه؟

-أنا ما عملتش فيك حاجة يا حسن ..

إنت اللي جيت لحد عندي وطلبت مني أظبطلك برشامة ولا إثنين  
على كام سيجارة علشان حفلة عزوبية صحبك من صغرك .. إنت  
حتى طلبت مني أظبطلك بنت تسهر معاها !

" مقدرش يسمع الكلام ويسكت وضربه بشدة وهو بيقول "  
-أنا عمري ما سكرت ولا شربت خمرة ولا مخدرات يا بني آدم يا  
كذاب .. وديني لأندمك على حياتك

سابه ورجع تاني للمستشفى .. ودخل  
للدكتور وعرفه بنفسه " حسن السيد" صاحب سلسلة شركات  
إستيراد وتصدير سيج ورجل أعمال كبير وله سمعته .. وحواله اللي  
حصل والجزء المفقود .. وإتضح إن الدكتور يعرف العيلة دي  
كويس وصديق لوالده وده اللي خلاه يحاول يحل نظراً لأنه فعلاً  
عارف أخلاق أولاد صديقه كويس ..

-لو اللي بتقوله ده صح .. ف إنت لازم تعمل حاجة واحدة ..حتى  
لو البنات بعدها صممت تحبسك هي حره وليها الحق

-أعمل إيه؟

-تتجوزها ..

-أت إليه! أنا معرفهاش ولا أعرف أهلها ولا هي مين ولا حتى  
مخطوبة ولا لأ ولا أي حاجة ! ..

-بس ضيعت مستقبلها ولازم تصلح غلطتك

-بس يا دكت...

"صوت صريخ ملى المكان ووجود الممرضة وهي بتبلغ الدكتور إن

البنت اللي جاية مع الأستاذ فاقت وبتصرخ وبتعيط"

وزاد صراخها وعياطها أول ما شافت "حسن" وما كان منه إلا إنه

خرج وساب المستشفى ومشى وراح للجأه الوحيد "أخته" اللي حكاها

إنه كان متخدر بمادة بتخليه يعمل كل حاجة بغير وعي.. رغم إنه

واعي.. أخته اللي

سمعتة بصدمة من إن أخوها اللي الكُل بيحلف بأخلاقه.. يكون

السبب في موت حياة بنت.. ودموع على البنات وأصرت عليه إنه

يتجوزها وإنه يفضل جانبها لحد ما تخف وحتى لو هيتجوزها

ومش هيعيش معاها لكن على الأقل يعوضها ولو ١% عن اللي حصل

وبالفعل إبتدى إنه يكون جانب البنات في كل وقت رغم رفضها إنه

يكون متواجد حتى ..

وبعد ٣ أيام إتضح إن البنات حامل !

موقف إترتبت عليه حياتها كلها

" تم إغتصابها من زوجها "

بعد خبر الحمل .. ما كان من "ملك إلا إنها توافق على الزواج رغم خوفها .. وكرهها .. وإحباطها . وكل المشاعر المختلطة جواها في الوقت ده خصوصاً إن اهلها رفضوها .. والمشاعر المختلطة جوا حسن ما بين الكلام اللي صاحبه قاله إنه جابهاله .. وما بين ردها إنها ماتعرفش إزاي راحت المكان ده وإنها كانت راجعة من شغلها فجأة لقت حد بيشدها جوا عربية ولما فاقت لقت نفسها بالشكل ده .. وبالفعل تم الزواج في اليوم المحدد اللي برغم إن "ملك" كانت حزينة .. منهكة .. رافضة .. لابسة عباية سودة إلا إنها كانت جميلة .. جميلة ورقيقة .. ملك تبقى أنا .. المذيعة الجميلة اللي بتتكلم عن نجاح الحياة الزوجية .. الحلقة دي مخصوص علشان أقولكم إن ربنا ما بيعملش غير الخير وإن مهما ضاقت أكيد آخرها خير .. عشنا في شقة حسن اللي في حي راقى ولإن حسن كان مستواه المادي مرتاح جداً فتم فرش الشقة في يومين بالضبط .. فضلنا شهر أنا في أوضتي وهو بيجي في نص اليوم يسيلي أكل على الباب برا ويخرج ويرجع على النوم على أمل إنني في الوقت ده أكون بخرج من الأوضة وأكون بتحرك وبحاول أتعايش بدل حبستي ..

وفي الشهر ده كانت أخته بتروح وتيجي عليا وبتحاول تساعدني إني  
أخرج من حالتي وتقنعني إن "حسن" غير ما أنا فاكرة خالص ..  
وفي يوم أخته خدتني وخرجت وهو رجع البيت بدري ملقائش  
وبعدين لما وصلت ما كان منه إلا إنه قام مسك إيدي بعصبية  
وقال :

-إنتي كنتي فين؟

سحبت إيدي من إيده واتحركت خطوات .. ووقف هو قدامي تاني

-إنتي مش عارفة إن الست المفروض تستأذن من جوزها قبل ما

تنزل؟

بصي يا ملك..هتبطلي الوش الخشب ده وهتحاولي تتعايشي ؛ إنتي

مراتي ! عارفة يعني إيه مراتي؟

-لا مش عارفة ..كل اللي عارفاه إنك بني آدم مش سوي ..

وحش.. وهاخد حقي منك وهتشوف

-هتاخدي حقك مني إزاي بقا؟

أنا اللي ليا عندك حق يا ملك..إنتي مراتي ومش سهل إني أوافق إن

واحدة بجمالك وأنوثتك ورقتك وعينك ونظرتك دي ..

( إتوترت..حاولت أستجمع قوتي وأرد..مقدرتش ..حاولت أمشي  
..مسك إيديا )

-إنتي لازم تديني فرصة..لازم تعرفيني زي ما أنا عاوز أعرفك إنتي  
مراتي وهتبقي أم إبني إفتحيلي قلبك..اتكلمي..اشتميني وعيطي  
وزعقي وخرجي اللي جواكي واديني فرصة أتكلم وأدافع عن نفسي  
و بعدها نبدأ صفحة جديدة سوا

-تبقى بتحلم يا حسن ..

(مرت الأيام .. والمواقف بيننا إبتدت تزيد وتتكوم ..وكل مرة بقول  
لنفسى رسالة واحدة بس " إوعي تحبيه يا ملك " .. وحسن بيقول  
لنفسه رسالة واحدة بس " حبها..وعوضها " )

خرجت من أوضتي بعد ما حسن نزل شغله ولقيت ورقة متعلقة على  
التلاجة مكتوب عليها (ماتبقيش تبصيلي كدة وإنتي بتزعقي  
علشان عينك جريئة وحلوة ولولا إن إيمان كانت موجودة إمبارح  
..أنا كنت عملت حاجة كرهتك فيا أكثر )

إبتسمت بشدة وفجأة لقيت إيد ماسكة إيدي بقوة وصوت بيقول :

-بس ممكن أعملها دلوقتي

-سيب إيدي يا حسن

-وأمسك إيه ؟

-إنت قليل الأدب وحياة ربنا ..سيب إيدي وملكش دعوة بيا

قولتلك

-إنتي اللي خرجتي من الكهف بتاعك أنا مقولتلكيش إخرجي؟

-إنت اللي رجعت بدري عن معادك سيب إيدي يا حسن بقولك

-ولو مسبتهاش هتعملي إيه يا ملك؟

هتاخدي حقك مني بردو؟

-ماتستفهمش كلامي يا حسن أنا هاخذ حقي منك كدة كدة

( قرب مني وهو بيقول )

-طب مش هتقوليلي هتاخدي حقك مني إزاي؟

-انت بجح واتعديت حدودك

أنا اللي غلطانة إني خرجت من أوضتي اساساً ..

-تعريف إني أول مرة اشوفك من غير الإسدال في ٣ شهور جواز؟

إنتي زي القمر يا ملك

"بصيت لنفسي بصدمة..لقيت إني بلبس البيت وشعري مفروود

..حاولت أشد إيدي من إيده وأدخل اوضتي لكن هو كان قابض على

كفي"

-تعريف.. أنا بقيت أحب أبص ف عينك أوي .. ماتغيبيش كدة  
تاني بدل ما أدخلك الأوضة أنا ..أنا نازل ؛ هتوحشيني

لما نزل ..ماحستش بنفسي غير وأنا جوا اوضته مَعرفش إيه اللي  
دخلني ؛ فتحت اللاب توب بتاعه وفضلت أتفرج على صورُه ..كلها  
حلوة وضحكته أحلى ، إبتديت أحط أيدي على بطني وأكلم البيبي  
لحد ما رحلت ف النوم وماحستش بحاجة غير بيه وهو بيبوس راسي

-إنت ..إنت إيه اللي جابك اوضتي؟

-هو الحقيقة إنتي اللي في أوضتي

بصيت لنفسي وحواليا ..اتوترت واتخضيت جريت علشان اروح  
اوضتي فوقف قصادي وقالني :

-إنتي مخضوصة كدة ليه ! ما هي دي أوضتك بردو هو إنتي

وجوزك إيه يا استاذة ملك

-أنا بس كنت نمت هنا عشان ..عشان ..نمت يعني أناكنت هنا

ونمت

""حط إيدته على شعري وبص في عيني وقالني :

-كنتي بتعملي إيه في أوضتي يا ملك؟

عاوذة تتعريف عليا؟

أول وأهم حاجة المفروض تعرفيها..إني بحبك مش عارف إمتى ولا  
إزاي بس أنا مؤمن بالقدر ..ويمكن كل اللي حصل ده علشان أكون  
آمانك بعد عيلتك وأعوضك .. وانتى كمان تعوضيني

-إنت شايف إن اللي حصل ده سهل !

-أنا شايف إننا نقدر نسهله على بعض ..

لإني طول الشهور دي كارهه نفسي بسبب نظرة الخوف اللي كنتي  
بتبصيلي بيها ..هرويك مني .. أنا مش وحش وعمري ما كنت  
وحش .. أنا إتأذيت وحقى خدته وخلص .. أنا ..

-ماتكلمش ..أنا كل ما بفتكر بتعب..بعيظ..بتوه .. أرجوك

ماتكلمش

"حضني ..حضني وقاومته ؛ كنت فاكرة إني مش هطمن ..بس أنا  
حسيت بأمان عمري ما حسيته فحياتي كلها من بعد ما والدي  
مات وابتديت اعيط وانهار وكأني بخرج كل اللي مریت بيه ف  
حياتي جوا الحضن ده ..لحد ما نمت وهو بيهمس ف حضني  
وبيقول :

-بحبك يا ملك.

## أخطو لي خطوة وسأخطو أنا الباقيه

بس بس

-ياربي في الواد الي مش هيرتاح غير لما اسوي وشه بالأسفلت ده  
مبصتش عليه وكملت طريقي

لقيتت حد واقف قدامي

أنا مش بكلمك

-بزعيق انت متخلف يلا تقف قدامي ازاي كده يلا انتي منينن يا

شاطرة

-ابعد عني الساعه دي علشان أنا مش طايقه نفسيي

انتى كابتن أميرة

-أيوة خير

صاحبت Smart Gym

-ايوه أنا

بس أعرف إن الصالة دي شباب

-فين المشكله معلش

ازاي كابتن وبدربي كم كبير من الشباب

-وانت مالمك يا وله إما انت عيل سائيل بصحيح

متشكر

ماشيه

بقولك

-من غير ما ابص له خير اخلص

جه وقف قدامي ثاني

أنا كنت عايز اشترك

-تعاله الساعه ٧ بكره

٧ بالليل!!

-يا ظريف ٧ الصبح

تمام أشوفك بكره.

مشيت عدى يوم واتنين والموضوع مش في دماغى وهو مجاش

صباح الخير يا كابتن

-صباح النور خيرا!

انتى مش فكرانى كده أزعل

-لا مش واخده بالي

أنا ريان

-اه ريان ريان مين؟!

اللي قابلتك ف الشارع من ٣ أيام كده وقولتيلي تعاله بكره

-ده كان من ٣ أيام انت لسه فاكر تيجي

كنت بضبط اموري

-عمتا مش موضوعنه أدخل سخن هنا يلا مش عايزه لعب عيال

دخل فعلا واستمر شهر بقا منتظم جدا وتمرينه كويس ودايما  
كان يقعد يضحك معاه بالرغم من إني مش ليا كلام ولا هزار  
كثير مع الناس اللي هنا كنت بديهم الوش الخشب والكل بيخاف  
مني لإني شديدة حبتين بس عمري ما شفت إن ريان خايف قولت  
عادي يمكن لسه ميعرفنيش يوم والتاني مجاش حسيت إني عايزة  
أعرف مجاش ليه عدى شهر وعمره ما فوت تمرين

اسماعيل يا اسماعيل

-نعم ي كوتش

معاك رقم كابتن ريان

-اه كنت اخدته منه

طيب ابعتهولي

أيوه بالرغم من إننا كنا بنتكلم بس مصدفش يوم إننا ناخذ أرقام

بعض وهو مطلبهوش

خلصت تمارين وروحنا.

الساعة ٩

رنيت استنيتته يرد

الوو

-أيوه ي كابتن أميره

-صوتي مميز للدرجة

-طبعا عامله ايه

-تمام وانت

بقيت تمام

-قولت أسأل أشوفك مختفي فين مش بتيجي الصاله يعني

مشغول شويه هنظم وقتي وإن شاء الله أسبوع وأجي

-تمام ي كابتن سلام

سلام

عدي أسبوع و الثاني والتالت وهو مجاش ومرنش وأنا مرنتش قولت

خلاص مش هيجي تاني

-اخبارك ي ابو الكباتن

-ئسه فاكر تيجي

كان عندي حاجه مهمه والله م عرفت اجي

-كان نفسي اسأل بس محبتش أكون متطفله : تمام يلا على

الجرايه سخن

بقولك

-ايه

هو انتي بتابعي سوشيل

-لا مش قوي ليه!!

لا عادي كنت هاخذ أكونت الفيس بتاعك

-أه تمام

بدأ يتمرن والغريبه إنه مغلبنيش ومغلبش الكباتن اللي معانا زي  
أول المبتدئين وجسمه كان رياضي جدا

ريان

-خير يا كوتش

انت كنت في جيم قبل ما تيجي هنا!!

حسيته اتوتر

-ها!!

انت كنت في جيم قبل ما تيجي هنا!!

-اه كنت في جيم

حرفيا انت مش محتاج حاجه غير إنك تحافظ علي عضلاتك  
وشكلك و انصحك متاخذش اي أدويه و متحولش تزود  
عضلاتك أكثر من كده شايف جورج

-أه

أوعي تبقا زيه كده بياخد منشطات و بلاويي عشان يضخم عضلاته  
فانت كده كويس

-شكرا علي المعلومه بس أنا مش محتاج أنا جميل رباني ولا ايه

رايك

خليك في التمرين

قعدنا فتره كبيره بييجي بانتظام وبعدين يقطع التمرين أسبوع

ويرجع تاني

هو ف ايه

- ف ايه انتي !!

هو انت بتيجي شويه وتمشي قصادهم شويتين

- باجي وامشي فين !!

أقصد مش منتظم ف التمرين ليه مبحبش الاهمال

-مش شرط أجي علي فكرة

لا ماينفضعش ماتجيش عشان انت ب....

-بايه !!

اتوترت م كنتش عارفه اقول ايه

-بايه يا كابتن ؟!

بتهمل ف التمرين وأنا مابحبش كده لا تيجي وتستمر لا اما

تشوف لك جيم تاني.

-تمام .

الفكره كانت صعبه يعني ايه يسيب الجيم يعني خلاص مش

هشوفه يعني مش هضحك تاني ده أنا حياتي كلها كانت عباره

عن حزن ووجع كل ده هيروح بعد ما لقيت السعادة

قفلت الجيم ومروحه لقيتني مش بمشي عشان أروح بقيت أمشي ف  
الشوارع بلا هدف وفكري كله في اني مش هشوفه مشيت لحد ما  
وصلت علي البحر قعدت باصه له مده كبيره و داخله جوه افكاري  
محستش بحاجه ف العالم كأنه وقف فوقني صوت حد قعد جانبي  
قاعدة لوحدهك هنا بقالك ساعة ليه

-عايز ايه وايه اللي جابك هنا؟

عايزة الحقيقه ولا!!

-ولا .

كنت ماشي ولقيتك قاعدة قولت أسليكي .

-طب دي ولا الحقيقه بقا ايه؟

بعد ما مشيت من الجيم استنيتك في الكافيه اللي قدامه وكنت  
عايز اتكلم معاكي لقيتك مشيتي في شارع غير اللي بتمشي فيه  
قولت أشوفك راحه فين

-وتشوفني راحه فين ليه!!

معرفش قلبي كان بيقولي امشي وراها

-بصيت قدامي و مهتمتش بالكلام .

سكته وهو قطع الصمت

ممکن تتكلمي معاياه علي فكره .

-اتكلم معاك في ايه!!

في اللي شاغلک ومضايقک

-وانت اش عرفك اني مضايقه

من عيونك.

بصيت قدامي ماهو خلاص مش قادرة بقالي ٣ سنين مخبيه وعمر  
ما حد قالي تعالي فضفضي لي كنت دايمًا قويه وعمرى ما ضعفت  
حتى بينى وبينن نفسى كنت ببين لنفسى إنى قوية وإن عمري ما  
هكون البنت الضعيفة

- أنا ممكن أسمعك

- أو أقولك احكيلى عن نفسك

-عايز تعرف ليه متشغلش دماغك بدوشه ملكش دعوة بيها .

ما انكرش إنى كنت عايزة أحكى له وأول مرة أحس بالأمان كده  
وأنا مع حد.

أنا عايز اسمع دوشتك ممكن تسمعيني !!

كان فاض بيا الأمر ولو مكنش هو جه وقالي اتكلمى كان ممكن  
يجرالى حاجة من كتر الوجد وليه لا ما أنا كنت بفكر انتحر من  
قبل ما اشوفه بس الغريب انى مفكرتش في كده من أول مره جه  
فيها الجيم فضلت باصه له ومش بتكلم .

في اي وقت عايزه تحكى وحد يسمعك أنا موجود .

-بصيت قدامى وبدأت اتكلم

-أنا أميره محسن كنت بنت عادية جدا وبحب ألعب زي أي طفله  
صغيره بالعرايس وألبس فساتين بابا كان دايمًا بيحب يجيب لي

مصاصات كان شديد ولاعب بوكس محترف مكنش عنده اخوات  
وكان نفسه يكون ليه أخت أتجوز ماما ربنا يسامحها كان عندها  
عقدة من البنات وحاولت كده مره تنزلني بس بابا حلف عليها  
طلاق وكانت شايفه إن البنات عار لحد ما ربنا ابتلاها ويوم ولادتي  
الدكاتره اضطرت يشلولها الرحم وبقيت أنا بنت وابن بابا في نفس  
الوقت أول لما كبرت وبقى عندي ٦ سنين ماما كانت دايمًا بتقولني  
يا أمير وبتقولي شعري وبتنزل تشتري لي لبس | أولاد كنت  
بشوف صحابي في المدرسة معاهم عرايسهم وأنا ممنوع العرايس  
لحد ما بابا اقترح عليا اننا نخرج كل خميس نخرج نلعب ونرجع  
تاني بدأت أتأقلم علي عيشت الولاد لحد ما بقا عندي ١٠ سنين  
بقيت أشبط في بابا أروح معاه الجيم مره في مره بقيت بدرب وبقيت  
معروفه في الجيم وسنة ورا الثانية بقيت أدخل مسابقات وأحترف و  
بفضل بابا بقيت أدخل مباريات مع شباب و بابا من ٤ سنين تعب  
جامد وكان لازم أدير الجيم لوحدي واحد حاول يستهزء بيا هناك  
كسرت له ضلعين ونزيف في المخ وكسر في الساق والذراع ومن  
هنا بقيت معروفه والكل بيخاف مني وبعديها بسنه بابا أتوفي وأمي  
بعديها بأسبوعين جايه تقولي أنا هتجوز أنا وجايبه راجل ٦٠ سنه  
في أيديها اتصدمت هو في إنسان كده ما اهتمتش بيها ماهو  
وجودها زي عدمه عشت ٣ سنين لوحدي محدش بيسأل عليا ولا

حد ببعبرني أتعب لوحدي أزعل لوحدي أنا لو مت محدش هيعرف  
لي طريق  
عيطت ولأول مره أضعف قدام حد حتي نفسي سابني لحد ما هديت  
ولقيته بيقولي  
تسمحيلي أكون معاكي  
-جمعت قوتي ورجعت تاني زي الأول : أنا مش عايزه شفقه من  
حد .

بس أنا مش بشفق عليكي أنا عايز أبقى معاكي وجنبك  
-وأنا قولتلك امشي مش عايزاك  
أفهم انتي ليه عناديه  
-سبني لوحدي سبني بقی محستش بنفسي الدنيا أسودت ف  
عنيه .

انتي كويسه !!  
-أنا فين؟  
في المستشفى  
-ليه وجيت هنا ازاي!!

أنا اللي جبتك وليه لأن ضغطك ارتفع وأغمي عليكي وكان لازم  
تركبي محلول .  
بقوم  
انتي راحه فينن؟؟

-مروحه.

مينفعش لازم تقعدني هنا لحد ما المحلول يخلص.

-ملكش دعوه وسبني في حالي.

مفيش خروج من هنا أنا قولت

قالها بزعيق خفت وأول مرة أخاف وأسمع كلام حد بالسهولة دي

-انت رخم علي فكرة

عارف

-وبارد

.....

-وجزمه وحيوان و بغل ومتخلف و حمار وكل حاجه

اخرسني.

-انت بتزعقلي

.....

-مستفز

بعد ربع ساعه طلعت و كان مصمم يوصلني وصلت أول الشارع

خلاص هنا كويس

.....

وفضل ماشي

يا بني خلاص بيتي آخر الشارع مش لازم تدخل

.....

سبته يدخل مش رضيت أقوله علي البيت خليه يتوه بس الغريب إنه

وقف قدام باب العمارة

انت عرفت إن دي عمارتنا ازاي!!

.....

هو مش أنا بكلمك يا أخ انت

-انزلي-

مش نازله قبل ما أفهم في ايه!!

لقتيه طالع بالعربية

انت رايع فين

....

مش بترد ليه ها ماهو أنا ممكن أفتح العربية و أنزل علي فكرة

لقتيه نزل بينا في المكان اللي كنا قاعدين فيه من شويه

جبتنا تاني هنا ليه!

-اقعدي-

مش هقعدي غير لما أفهم في ايه!

-عايز اتكلم معاك في شويه

اديبي قعدت خير

-انتي تعري في عني ايه

معرفش عنك غير إنك ريان عيد إنسان رخم بيتمرن في الجيم

بتاعي.

-أنا رخم!!

أكيد أنا مش بكذب

-طيب هرد علي الكلام ده بعدين أنا حابب أحكي لك عني

تسمعي!!

فرحت كأني كنت مستنياه يحكي لي كنت عايزه أعرف عنه كل

حاجه

هسمع

-أنا ريان عيد مدرب بوكس قالها وبص لي وكأنه مستني رد

فعلي

باصيت له باستغراب وخذت نفس عميق : كمل

-ريان عيد مدرب بوكس صاحب جيم A.R لو سمعتي عنه!

-سمعت.

- دخلت معاكي وانتي ١٥ سنه الحلبه وكسبتيني وساعتها قعدت

أدور عليكي كان عندي ١٨ سنه فتحت جيم و سميته A.R أميره و

ريان كان حلمي إني إشوفك تاني لحد ما بقي عندك ١٩ سنه

شوفتك وانتي رايحه الملاعب بس مش عشان تلعبني سألت وعرفت

انك الكابتن و فاتحه جيم جديد وإن باباكي مات السنه اللي

فاتت معرفتش أقرب بعد ما سمعت عن الواد الي حاول يرخم عليكي

وسمعت إنك مش بتتفاهمي كل حاجه عندك عنف وأنا محبتش

كده سنتين وأنا بحاول أعرف عنك كل حاجه أعرف انتي بتحبي

ايه وبتكرهه اييه أعرف كل صغيرة  
و كبيرة عنك بس كنت خايف أقرب منك و السنه اللي فاتت  
كان افتتاح الجيم و كان بهدله بالنسبه لي إني أسيب الجيم  
بتاعي و أقعد عندك انتظرت أظبط الأمور لحد ما عرفت وشوفتك  
وانتي عارفه الباقي

- يعني كنت بتغيب عشان الجيم بتاعك  
- كان بيكون في مبتدئين وكان لازم أديهم التعليمات  
عملت كده ليه!!

لعتيه شد إيدي ووقفني قدامه و فضل باصص في عيني  
حبيتك حبيتك من أول يوم شوفتك فيه مش عارف ليه واشمعني  
انتي بس لقتني بدور عليكي و بتوحشيني عايز أشوفك وأفضل  
جانبك على طول

فضل يقول لي في اعترافات كتير وأنا كنت في عالم تاني باصه  
لعنيه وكأنه سلب روحي مني و كانت نظراته ليا مطمئاني و شفت  
نظرة خوف و حب و شوق في عينه ما فوقتش غير وهو بيقولي  
بحبك.

معرفتش أقول إيه بس كان إجابتي ليه اترميت ف حضنه وعيظت  
فضلت أكثر من ربع ساعة بعيط لحد ما بعدت  
كابتن أنا بحبك

-علي فكرة أنا أول مرة أستريح لحد و أول مرة أحب أقعد مع حد و  
أتكلم معاه كتير و عمري ما رغيت مع حد ولا حكيت له علي حياتي  
عارف ليه  
يا ترى ليه!!

-عشان حبيتك حسيت معاك بالأمان اللي عمري ما حسيته من  
بعد موت أبويا عوضتني عن حاجات كتير كنت دايمًا و حيدة جيت  
انت ولونت حياتي بالبسمة ومعرفتش أضحك غير معاك كنت  
بتوحشني لما بتغيب عن التمرين كان نفسي أسألك ليه بتغيب  
بقيت معرفش أسيب يوم غير لما أشوفك  
بحبك .

بعدها بـ ٣ أيام راح لماما و طلبني منها وطبعا ما اهتمتتش وافقت اهي  
تخلص مني وبعدها بشهر عملنا فرح والنهارده جايه أقولكم إنه  
أسعد يوم في حياتي لأن أخيرا مع الإنسان اللي بحبه وبيحبني .  
أميره.

-عيونها-

-خلال-

سنه

١٢ شهر

٣٦٥ يوم

٣٧٦٠ ساعة

٥٢٥.٦٠٠ دقيقة

٣.١٥٣.٦٠٠ ثانية

في كل لحظة

كل ليلة

أحب إن أقول

بأنني

أحبك

-يعني انت ما بتحبنيش غير من سنه واحده

٧ سنين ٧ سنين معذباني

-بحبك

أحلي حاجه لما تتعب علشان حبيبك و في الآخر تفوز بقلبه

-كان عندك شك إنني ماحبكش

كنت خايف لتزعلي إنني كذبت عليك بس كنت متأكد

إنك هتحبيني زي ما بحبك علشان حبي كان صادق

-ما أنا هعاقبك علي الكذب بس مش عايزه أبوظ فرحتنا

دلوقتي .

## الفهرس

٣	الإهداء
٥	كنت لكي الأب وكنتي لي الام
٢٥	حكايات نصف الروح
٤١	ما يخفى وراء إغماء هذا الشاب
٥١	أخطو لي خطوة وسأخطو أنا الباقية